



h498

Broj: 06-11-881/24-13
Ilidža, 02.04.2024. godine

Na osnovu člana 72. stav (3) tačka a) Zakona o javnim nabavkama ("Službeni glasnik BiH", broj 39/14 i 59/22) i Zapisnika o pregledu i ocjeni ponuda br: 06-11-881/24-6 K od 12.03.2024. godine, Općinski načelnik donosi:

**ODLUKU
O DODJELI OKVIRNOG SPORAZUMA DRUGORANGIRANOM PONUĐAČU
ZA JN 12/24 - LOT 2**

I

Poništava se Odluka broj 06-11-881/24-7 od 12.03.2024. godine o izboru OXA d.o.o. Sarajevo, kao najpovoljnijeg ponuđača za **JN 12/24 LOT 2 „Sanacija, rekonstrukcija i asfaltiranje saobraćajnica drugog reda na području općine Ilidža“**, iz razloga što imenovani ponuđač u ostavljenom roku nije dostavio uvjerenja iz člana 45. stav (2) tačka a), b), c) i d) Zakona o javnim nabavkama.

II

Okvirni sporazum dodjeljuje se drugorangiranom ponuđaču DEMUS d.o.o. Sarajevo, čija cijena ponude bez PDV-a iznosi 530.737,80 KM.

III

DEMUS d.o.o. dostavio je uz ponudu uvjerenja iz člana 45. stav (2) tačka a), b), c) i d) Zakona o javnim nabavkama.

IV

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

Obrazloženje

Na osnovu odluke o pokretanju postupka broj 06-11-881/24-1 od 05.02.2024. godine i obavještenja o nabavci broj 888-1-3-35-3-60/24 od 12.02.2024. godine, pokrenut je otvoreni postupak nabavke **JN 12/24 Sanacija, rekonstrukcija i asfaltiranje saobraćajnica na području općine Ilidža, LOT 2 Sanacija, rekonstrukcija i asfaltiranje saobraćajnica drugog reda na području općine Ilidža**. Ponude su blagovremeno dostavili: OXA d.o.o. Sarajevo, DEMUS d.o.o. Sarajevo i AZEKOP d.o.o. Kiseljak

Analizom ponuda utvrđeno je da su ponuđači OXA d.o.o. i DEMUS d.o.o. ispunili uslove iz tenderske dokumentacije, odnosno da su dostavili tražene dokaze.

Pregledom ponude ponuđača AZEKOP d.o.o. utvrđeno je da je navedeni ponuđač dostavio Garanciju za ozbiljnost koja glasi na OBRT AZEKOP, vl. Nerma Hodžić. Tačkom 4. Tenderske dokumentacije propisano je "Da bi učestvovali u postupku javne nabavke **ponuđači su dužni**

dostaviti garanciju za ozbiljnost ponude u iznosu od 2.000,00 KM". Ponuđač koji se u svojstvu privrednog subjekta "AZEKOP d.o.o." prijavio u predmetnom postupku, nije dostavio Garanciju za ozbiljnost ponude koja glasi na "AZEKOP d.o.o." odnosno isti nije postupio u skladu sa postavljenim zahtjevom iz tenderske dokumentacije. Imajući u vidu navedeno ponuda navedenog ponuđača je ocijenjena kao nepravilna u skladu sa članom 2. Zakona o javnim nabavkama i ista se primjenom člana 68. stav (4) tačka i) Zakona o javnim nabavkama odbacuje.

S obzirom da je kao kriterij za dodjelu ugovora određen kriterij „najniža cijena“, Komisija za javne nabavke utvrdila je konačnu rang listu ponuđača kako slijedi:

1. OXA d.o.o., čija cijena ponude bez PDV-a iznosi 494.400,00 KM
2. DEMUS d.o.o., čija cijena ponude bez PDV-a iznosi: 530.737,80 KM

Ugovorni organ je odlukom br. 06-11-881/24-7 od 12.03.2024. godine, ponudu ponuđaču OXA d.o.o. Sarajevo proglasio najpovoljnijom, čija cijena ponude bez PDV-a iznosi 494.400,00 KM.

Ponuđač OXA d.o.o. je Odluku zaprimio 20.03.2024. godine, te je po navedenoj odluci bio obavezan u roku od 7 dana od dana prijema iste Ugovornom organu dostaviti uvjerenja iz člana 45. stav (2) tačka a), b), c) i d) Zakona o javnim nabavkama.

Kako ponuđač OXA d.o.o. u ostavljenom roku nije dostavio tražene dokaze, ugovorni organ je utvrdio da su se ispunili uslovi iz člana 72. stav (3) tačka a) Zakona o javnim nabavkama za dodjelu ugovora drugorangiranom ponuđaču **DEMUS d.o.o.**, čija cijena ponude bez PDV-a iznosi **530.737,80 KM.**

Cijeneći navedeno odlučeno je kao u dispozitivu.

OPĆINSKI NAČELNIK

Nermin Muzur, magistar uprave

DOSTAVLJENO:

1. OXA d.o.o., Dobrinjske bolnice br. 13, Sarajevo
2. DEMUS d.o.o., Maršala Tita 48/II, Sarajevo
3. AZEKOP d.o.o., Sarajevska br. 2, Kiseljak
4. Služba za komunalne poslove i infrastrukturu
- ⑤ Kabinet općinskog načelnika (za objavu na web)
6. Kabinet općinskog načelnika
7. Služba za finansije
8. a/a

Izradila Enisa O.M.

Kontrolisao: Benjamin M.